

明詩別裁集



一至三

本庄

4 13

1112

1



65

60

55

13
4
1112

明詩別裁集

明詩別裁集序

卷起國初諸臣青田青邱兩雄並峙開風

歸愚沈先生選明詩別裁集成共一十二

尚也永樂以還體尚臺閣所收從略防膚

浮也成宏之代茶陵振興紹先啟後標引

導也北地信陽義娥經緯邊徐輔協左右

驂斬紀極盛也升庵挺生雲興春麗叔嗣

別操冰襟雪抱志特立也弇州雄濶濟南

明詩別裁集

卷

月詩別裁集

011702039136

明詩別裁集 卷一
矜貴茂秦斗拔除蕪就潔表繩武也隆萬
以後或奏鼉聲或漂鬼國嚴刪雜也雲間
卓立漸臻壺奧識復古也板蕩變操各寫
幽噫茹芝采菊初心靡悔存餘響也始端
宗旨繼審規格終流神韻三長具備
卷帙視從前明詩之選備一朝掌故者殊
厥旨焉先生向有古詩源唐詩別裁問世
茲編風旨除纖去濫簡嚴和厚可續唐音
而宋金元詩尚俟采菁云乾隆己未秋七
月望日古吳蔣重光題於賦琴樓

明詩別裁集序

宋詩近腐元詩近纖明詩其復古也而二百七十餘年中又有升降盛衰之別嘗取有明一代詩論之洪武之初劉伯溫之高格並以高季迪袁景文諸人各逞才情連鑣並軫然猶存元紀之餘風未極隆時之正軌永樂以還體崇臺閣骫骳不振安正之間獻吉仲默力追雅音庭實昌穀左右

驂靳古風未墜餘如揚用修之才華薛君
案之雅正高子業之冲淡俱稱斐然于鱗
元美益以茂秦接踵曩哲雖其間規格有
餘未能變化識者咎其尠自得之趣焉然
取甚菁英彬彬乎大雅之章也自是而後
正聲漸遠繁響競作公安袁氏竟陵鍾氏
譚氏比之自鄮無譏蓋詩教衰而國祚亦
為之移矣此外降盛衰之大略也編明詩
者陳黃門卧子皇明詩選正德以前殊能
持擇嘉靖以下形體徒存尚書錢牧齋列
朝詩選於青邱茶陵外若北地信陽濟南
婁東概為指斥且藏其所長錄其所短以
資排擊而於二百七十餘年中獨推程孟
陽一人而孟陽之詩纖詞浮語祇堪爭勝
於陳仲醇諸家此猶舍丹砂而珍溲勃貴
箏琶而賤清琴不必大匠國工始知其誣

妄也國朝朱太史竹垞明詩綜所收三千四百餘家泯門戶之見存是非之公比之牧齋用心判別然備一代之掌故匪示六義之指歸良楛正閩雜出錯陳學者將問道以親風雅其何道之由余與周子欽萊夙有同心慨焉決擇合群公選本暨前賢名彙別而裁之於洪永之詩刪其輕靡於宏正嘉隆之詩汰其形似萬厯天啓以下遂寥寥焉而勝國遺老廣為搜羅比宋逸民谷音之選得詩十二卷凡一千一十餘篇皆深造渾厚和平淵雅合於言志永言之旨而雷同沿襲浮艷淫靡凡無當於美刺者屏焉有明之詩誠見其陵宋躐元而上追前古也至楊廉夫倪元鎮諸公歸諸元人錢牧齋吳梅村諸公歸諸國朝人編詩之中微具國史之義其他前後七子或

或刪理學諸子古文名家與夫黨錮殉國諸賢有及有不及因詩存人不因人存詩也寡聞單見挂漏良多尚期博雅君子竅啓未逮乾隆三年秋七月望日長洲沈德潛題於靈巖山居

明詩別裁集卷一目錄

劉基 二十首

汪廣洋 三首

宋濂 一首

陶凱 一首

張昱 三首

宋訥 四首

張以寧 六首

魏觀一首

詹同一首

高啓二十一首

楊基八首

明詩別裁集卷一

沈德潛確士

長洲

周準欽萊

同輯

劉基武中伯溫青田人元進士洪

為胡惟庸毒死正德中追謚文成時

元季詩都尚辭華文成獨標高格時

欲追逐杜韓故超然獨勝允為一代

走馬引

明詩別裁集 卷一

天冥冥。雲濛濛。當天白日中。貫虹壯士拔
 劍出。門去。手提雙頭擲。草中。擲草中。血漉
 漉。追兵夜至深谷伏。精誠感天天心哀。太
 乙乃遣天馬從天來。揮霍雷電揚風埃。壯
 士呼。天馬馳。橫行白晝。吏不敢窺。戴天之
 恥。自古有。必報天地。亦與相扶持。夫差徒
 能。不忘而報。越棲於會稽。又縱之。始知壯
 士獨無愧。魯莊何以為人。為錢受之云明
宗被弑於冕

忽又庚申帝即位七年乃以尚書之言撤
 文宗主於太廟而詔書但以私圖傳子為
 言昧於春秋復讐之大
 義矣此詩蓋深譏之

梁甫吟

誰謂秋月明。蔽之往往由。纖翳誰謂江水
 清。淆之往往隨。沙泥人情旦暮有。翻覆平
 地倏忽成。山谿君不見。桓公相仲父。豎刁
 終亂齊。秦穆信逢孫。遂違百里奚。赤符天
 子明。見萬里外。乃以薏苡為文犀。停婚仆

碑何震怒青天白日生虹蜺。明良際會有如此而况童角不辨粟與稊。外間皇父中艷妻馬角突兀連北鷄。以聰為聾狂作聖。顛倒衣裳行蒺藜。屈原懷沙子胥棄魑魅。叫嘯風淒淒。梁甫吟悲以悽。岐山竹實日稀少。鳳凰憔悴將安棲。拉雜成文極煩寬曠亂之致此離騷遺音也

懊懷歌

白鷄養雛時。夜夜啼達曙。如何羽翼成。各自東西去。其法本之打起黃鶯兒篇

薤露歌

人生無百歲。百歲復如何。古來英雄士。各已歸山阿。悲咽

王階怨

長門燈下淚。滴作玉階苔。年年傍春雨。一上苑牆來。婉而曲

長門怨

白露下玉除。風清月如練。坐看池上螢。飛入昭陽殿。宗子相云不作怨語怨已自深

感懷

驅車出門去。四顧不見人。回風卷落葉。颯颯帶沙塵。平原曠千里。莽莽盡荆榛。繁華能幾何。憔悴及茲辰。所以芳桂枝。不爭桃李春。雲林耿幽獨。霜雪空相親。

槁葉寒撼撼。羅帳秋風生。悽悽候蟲鳴。嚙嚙歷宿鴻。驚美人抱瑤瑟。仰視河漢明。絲桐豈殊音。古調非今聲。沉思空幽寂。歲月已徂征。

結髮事遠遊。逍遙觀四方。天地一何濶。山川杳茫茫。衆鳥各自飛。喬木空蒼涼。登高見萬里。懷古使心傷。竚立望浮雲。安得凌風翔。

旅興

寒燈耿幽幕。蟲鳴清夜闌。起行望青天。明月在雲端。美人隔千里。山河杳漫漫。元雲翳崇岡。白露凋芳蘭。願以綠綺琴。寫作行路難。憂來無和聲。絃絕空長嘆。

倦鳥冀安巢。風林無靜柯。路長羽翼短。日暮當如何。登高望四方。但見山與河。寧知天上雨。去爲滄海波。忼慷對長風。坐感元髮。瞠弱水不可航。層城岌嵒嵒。淒涼華表鶴。太息成悲歌。

晚同方舟上人登師子巖作

落日下前峰。輕烟生遠林。雲霞媚餘姿。松柏淡清陰。振策縱幽步。披襟陟層岑。槿花籬上明。莎雞草間吟。涼風自西來。颼颼吹我襟。榮華能幾時。搖落方自今。逝川無停波。急絃有哀音。顧瞻望四方。悵焉愁思深。

夏夜台州城中作

江上火雲蒸熱風。欲雨不雨天夢夢。良田
半作龜兆坼。秔稻日夕成蒿蓬。去年海賊
殺元帥。黎民星散劫火紅。耕牛剥皮作戰
具。鉏犁化盡刀劍鋒。農夫有田不得種。白
日慘澹衡茅空。將軍虎毛深玉帳。野哭不
入轅門中。健兒鬪死烏自食。何人幕下矜
奇功。今年大軍蕩淮甸。分命上宰麾元戎。
舞于再見有苗格。山川鬼神當効忠。何為
旱魃還肆虐。坐令毒沴傷和冲。傳聞逆黨
尚攻剽。所過卽隴皆成童。閩司恐畏破和
議。斥堠悉罷雲邊烽。殺降共說有大禁。無
人更敢彎弧弓。山中悲啼海中笑。蜃氣繞
日。生長虹。古時東海辟孝婦。草木枯瘁連
三冬。六月降霜良有以。天公未必長瘖聾。
只今幅員廣無外。東至日出西太蒙。一民

一物吾肺腑。仁者自是哀。瘵疴養泉殍。鳳
 天所厭。誰能抗。疏回宸聰。夜長木末挂河
 漢。海嶠月魄升天東。仰視皇天轉北斗。嗚
 呼愁嘆何時終。

太公釣渭圖

璇室群酣夜。璜溪獨釣時。浮雲看富貴。流
 水淡須眉。偶應非熊兆。尊為帝者師。軒裳
 如固有。千載起人思。
通首格高隱然
 有王佐氣象

古戍

古戍連山火。新城殷地笳。九州猶虎豹。四
 海未桑麻。天迴雲垂草。江空雪覆沙。野梅
 燒不盡。時見兩三花。

望孤山作

返照千山赤。寒烟一島青。羈心霜下草。生
 態水中萍。黃屋迷襄野。蒼梧隔洞庭。空將
 垂老淚。洒恨到滄溟。

會稽

會稽南鎮夏王封。蔽日騰空紫翠重。陰壑
烟霞輝草木。古祠風雨出蛟龍。元夷此日
歸何處。玉簡他年豈再逢。安得普天休戰
伐。不令竹箭因輸供。

和李子庚

風落餘花春事非。愁心烟雨共霏霏。溪雲
不為從龍起。山石何須學燕飛。籬下舊存
彭澤菊。林間新長首陽薇。夜闌忽漫聞啼
鳥。腸斷天邊信使稀。

追和音上人

絕頂浮雲鎖石關。曲途危磴阻躋攀。他年
甲楯孤臣泣。此日齋鐘老衲閑。夜永星河
低半樹。天清猿鶴響空山。干戈未定歸無
處。擬結茅廬積翠間。

感興

天弧不解射封狼。獸骨從橫滿路旁。古戍有狐鳴。夜月高岡無鳳集。朝陽瑀戈畫戟空。文物廢井頽垣自雪霜。漫說漢庭思李牧。未聞郎署遣馮唐。

汪廣洋

廣洋字朝宗高郵人洪武中封忠勤伯拜右丞相尋貶廣

東詔數其罪自縊死

忠勤樓諸老夜直余時守省作詩

寄之

西掖延秋爽。高樓倚太清。玉繩當坐轉。銀漢近人明。上相思經濟。諸公任老成。不知前席夜。曾語及蒼生。

送許時用歸越

舊擢庚寅第。新題甲子篇。老來諸事廢。歸去此身全。烟樹藏溪館。霜禾被石田。鑑湖求一曲。吾計尚茫然。
當時有歸去而身未全者宋潛溪是也

登南海驛樓

海氣空濛日夜浮。山城纔雨便成秋。馮唐頭白偏多感。倚遍天南百尺樓。

宋

瀛

瀛字景瀛。浦江人。元末除翰林編修。明初徵聘授皇太子

經修元史。仕至翰林學士。承旨。正德中。追謚文憲。

送許時用還剡

尊酒都門外。孤帆水驛飛。青雲諸老盡。白髮幾人歸。風雨魚羹飯。烟霞鶴氅衣。因君動高興。予亦夢柴扉。

陶

凱

凱字中立。天白人。洪武初。召修元史。陞禮部尚書。出為湖

廣。蔡政。旋致仕。

長平戈頭歌

長安野人鑿地得古戈。上有款字歲久俱滅磨。惜不能如豐城古劍。射牛斗。吁嗟戈乎。奈爾何。但見青銅凝寒。暮烟紫。月黑山深夜。飛雨恨血。千年猶未銷。荒郊夜夜啼。冤苦當年趙括。輕秦人。降卒秦坑化為土。

嗟哉趙亡秦亦亡。落日長城自今古。摩挲爾戈一問之。令人為爾生愁思。何不以爾為鐘鐻。何不以爾為鼎彝。吁嗟戈乎徒爾悲。爾今還當太平世。人間銷兵鑄農器。願壽吾皇千萬年。終古不用戈與鋌。當時諸名家賦

此題者俱作七言長歌惟作者得頌揚本朝之辭

張昱 昱字光弼廬陵人遷杭元末行樞密院判官明祖召至深

見溫接憫其老曰可閑矣故歸風臺詩

云世間快意寧有此亭長歸來作天子以界尺擊案淵淵作金石聲詩劇可傳惜中問雜失韻語因割愛刪去

白翎雀歌

烏桓城下白翎雀。雄鳴雌隨求飲啄。有時決起天上飛。告訴生來毛羽弱。西河伶人火倪赤。能以絲聲代禽臆。象牙指撥十三絃。宛轉繁音哀且急。女真處子舞進觴。團衫鞞帶分兩傍。玉織羅袖拓枝體。要與雀

聲相頽頽。朝彈暮彈。白翎雀。貴人聽之以為樂。變化春光。指頽間。萬蕊千花。動弦索。只今蕭條河水邊。宮庭毀盡。沙依然。傷哉不聞白翎雀。但見落日生寒烟。

感事

雨過湖樓作晚寒。此心時暫酒邊寬。杞人惟恐青天墜。精衛難期碧海乾。鴻雁信從天上過。山河影在月中看。洛陽橋上聞鷓處。誰識當時獨倚闌。

如此江山清集同王仲玉陸進之

呂世臣作

如此江山亭名清集猶云雅集

吳越江山會此亭。暮春風景畫真長。空孤鳥望中沒。落日數峰烟外青。不用登臨生感慨。且憑談笑慰飄零。古今何限英雄恨。付與江湖醉客聽。
悲壯蒼涼不勝舉目山河之異新亭雪涕

前後同情

宋 訥 字仲敏滑縣人元季官鹽山知縣明初徵為國子助教

官至文淵閣大學士遷祭酒卒於官

壬子秋過故宮

離宮別館樹森森秋色荒寒上苑深北塞

君臣方駐足中華將帥已離心興隆元世

祖所有管鸞笙歌劈正斧名以玉為之曰殷時流傳至元代

若朝會時一人執之立於無官玉斧沉落陸下取正人正之意

日憑心高望燕薊黃金臺上棘如林

萬國朝宗拜紫宸於今誰望屬車塵名聞

少室徵奇士驛斷高麗進美人朝會寶燈

沉轉漏授時玉歷罷班春街頭野服儒冠

老曾是花塼視草臣

萬年海岳作金湯一望淒然恨自長禾黍

秋風周洛邑山河殘照漢咸陽上林春去

宮花落金水霜來御柳黃虎衛龍墀人不

見我兵騎馬出蕭牆

清寧宮殿閉殘花。塵世回頭換物華。寶鼎
百年歸漢室。錦帆終古似隋家。後宮鸞鏡
投江渚。北狩龍旗沒塞沙。想見扶蘇城上
月。照人清淚落悲笳。

張以寧

以寧字志道。古田人。元末官翰林學士。承旨。明初例徙南

京。召為侍讀學士。使安南。道卒。

蛾眉亭

碧酒雙玉瓶。獨酌蛾眉亭。不見李太白。惟

見三山青。秋色淮上來。蒼然滿雲汀。安得

十五弦。彈與蛟龍聽。

秋色淮上來。十字何減太白。

送重峰阮子敬南還

君家重峰下。我家大溪頭。君家門前水。我
家門前流。我行久別家。思憶故鄉水。况乃
故鄉人。相見六千里。十年在揚州。五年在
京城。不見故鄉人。見君難為情。見君情尚
爾。別君奈何許。送君遽不堪。憶君良獨苦。

君歸過江上。為問水中魚。別時魚尾赤。別

後今何如。

情致纏綿神似飲馬長城窟詩

送同年江學庭弟學文歸建昌

白髮江夫子。青雲信獨稀。故人長北望。令弟又南歸。庭樹鳥先喜。江帆雁共飛。東湖春柳色。到日上君衣。

過辛稼軒神道

長嘯秋雲白石陰。太行天黨氣蕭森。英雄已盡中元淚。臣主原無北伐心。歲晚陰符仙蠹化。夜寒雄劍老龍吟。青山萬折東流去。春暮鷓啼宰樹林。

嚴陵釣臺

故人已乘赤龍去。君獨羊裘釣月明。魯國高名懸宇宙。漢家小吏待公卿。天回御榻星辰動。人去空臺山水清。我欲長竿數千尺。坐來東海看潮生。

明人詠嚴陵者以此章為最如羞見先生

面黃昏過釣臺不有雲臺諸將力釣臺亦
在戰爭中皆風雅之魔道也方正學古體
一章議論極正但語近於腐且廢郭后
事在微嚴光以後於事不合故舍旃

有感

馬首桓州又懿州朔風秋冷黑貂裘可憐。
吹得頭如雪更上安南萬里舟。

魏觀觀字杞山蒲圻人洪武初就
徵歷仕至國子祭酒兩知蘇

州府事改修府治為指揮某吉
許尋受御史張度所劾坐法死

都昌懷舊隱

江霧仍為兩山花故作容秋風餘鼠雀寒。
水落魚龍慷慨心雖壯羈縻力已慵白雲
菴浦上悵望最高峰。

詹同同字同文婺源人元末為郴
州路學正遇亂家黃州仕陳

友諒為翰林學士承旨歸附後授國
子博士累官吏部尚書改翰林學士

承旨卒
謚文憲

出獵圖

朔風凜凜吹龍沙年年馬上長為家陰山

大漠百草死。獵遍青海瀕。天涯旌旗裂。盡
 霜華濕。萬騎貔貅似雲集。蒼鷹歛翅若飛
 電。四尺神獒作人立。什圍五攻兵法存。發
 蹤指示知何人。豈無詭遇獲禽者。誰能為
 爾臬鸞兮。直將勇氣飽所欲。寢虎之皮食
 虎肉。生擒山下九青兕。射殺巖前雙白鹿。
 日暮歸來雪洗箭。血洒腥風滿河曲。穹廬
 散野如繁星。涼月蕭蕭照平陸。酪漿跪進
 瑪瑙盤。黃面奚奴眼睛綠。明朝滿馬馱爛
 斑。蕃王喜生紅玉顏。馬知祝網三驅意。但
 醉毘毘紫塞間。君不見暴殄天物焚咸邱。
 畫師之筆學春秋。還君此圖三太息。使我
 忽憶比蒲菟。

高 啓

啓字季迪長洲人洪武初召

擢戶部侍郎放還為魏觀作上梁文
 連坐死。侍郎詩上自漢魏盛唐下
 至宋元諸家靡不出入其間一時推
 大作手特才調有餘蹊徑未化故一

變元風未能直追大雅
集中所存皆最上者

塞下曲

日落五原塞。蕭條亭候空。
漢家討狂虜。籍後滿山東。
去年出飛狐。今年出雲中。
得地不足耕。殺人以為功。
登高望衰草。感慨意何窮。
為千古開邊者乘戒

悲歌

征途嶮巖人乏馬。飢富老不如。
貧少美游不如惡。歸浮雲隨風零落四野。
仰天悲歌泣數行下。

顧榮廟

晉侍中顧彥先。有墓并祠在長洲之東。
久而廢為淫祀。縣令周君復之。為賦是詩。

軍司吳國秀。神機夙超朗。
弱冠游洛師。已蒙南金賞。
崎嶇諸王幕。沉湎務遵養。
中罹

廣陵艱計服匪誠枉風雲一揮扇義旅臻
同響事成耻言勲飄然理歸鞅晋社始東
遷群賢悉收獎道謁真感會矯翼丹霄上
德聞一代稱跡泯千齡往時屯之良佐英
謨益堪想墳祠託荒郊蕭條並榛莽童
侵雨隧淫巫闢鹿幌大夫過停轅式驂為
含愴衣冠復故親筵几陳新享寡劣忝鄉
人因歌表遐仰李舒章云似謝康樂

支遁菴

閑登待月嶺遠叩棲雲關石室閉千載高
僧猶未還殘燈黃葉下古座青苔間不見
跏趺影鶴鳴空此山

憶昨行寄吳中故人

憶昨結交游俠客意氣相傾無促戚十年
離亂如不知日費黃金出遊劇狐裘蒙茸
欺北風霹靂應手鳴雕弓桓王地下衰草

白。彷彿。地。是。遼。城。東。馬。行。雪。中。四。蹄。熱。流。
 影。欲。追。飛。隼。滅。歸。來。笑。學。曹。景。宗。生。擊。黃。
 獐。飲。其。血。臯。橋。秦。娘。雙。翠。蛾。喚。來。尊。前。為。
 我。歌。白。日。欲。沒。奈。愁。何。迴。潭。水。綠。春。始。波。
 此。中。夜。遊。樂。更。多。月。出。東。山。白。雲。裡。照。見。
 船。中。笛。聲。起。驚。鷗。飛。過。片。片。輕。有。似。梅。花。
 落。江。水。夫。差。城。南。天。下。稀。狂。遊。累。日。忘。却。
 歸。坐。中。爭。起。勸。我。酒。但。道。飲。此。毋。相。違。自。

從。飄。零。各。江。海。故。舊。如。今。幾。人。在。荒。烟。落。
 日。野。鳥。啼。寂。寞。青。山。顏。亦。改。須。知。少。年。樂。
 事。偏。當。飲。豈。得。言。無。錢。我。今。齒。髮。雖。未。老。
 豪。健。已。覺。難。如。前。去。日。已。去。不。可。止。來。日。
 方。來。猶。可。喜。古。來。達。士。有。名。言。只。說。人。生。
 行。樂。耳。跌。蕩。淋。漓。神。來。之。候。結。處。頗。近。率。易。故。陳。卧。子。選。節。去。後。六。句。然。
終。似。神。氣。未。舒。故。仍。從。原。本。

明皇秉燭夜遊圖

花萼樓頭日初墮。紫衣催上宮門鎖。大家
今夕宴西園。高爇銀盤百枝火。海棠欲睡
不得成。紅妝照見殊分明。滿庭紫焰作春
霧。不知有月空中行。新譜霓裳試初按。內
使頻呼燒燭換。知更宮女報銅籤。歌舞休
催夜方半。共言醉飲終此宵。明日且免羣
臣朝。只愁風露漸欲冷。妃子衣薄愁成嬌。
琵琶羯鼓相追逐。白日君心歡不足。此時

何暇化光明。去照逃亡小家屋。姑蘇臺上
長夜歌。江都宮裡飛螢多。一般行樂未知
極。烽火忽至將如何。可憐蜀道歸來客。南
內淒涼頭盡白。孤燈不照返魂人。梧桐夜
雨吹蕭瑟。光明燭二語活用聶夷中田家
詩意與題中秉燭相應巧而不
纖

贈金華隱者

我聞名山洞府三十六。一一靈蹤紀真錄。

金華秀出向東南。遠勝陽明與句曲。樓臺
縹緲開烟霞。天帝賜與神仙家。靈源有路
不可入。但見幾片流出雲中花。子房之師
赤松子。三千年前亦居此。飛行恍惚誰解
尋。漫說至今猶不死。松花酒熟何處遊。瑤
草自綠春巖幽。群羊卧地散如石。老鹿耕
田馴似牛。聞有隱君子。乃是學仙者。自從
入山中。不曾到山下。世人莫知其姓名。以

山呼之不敢輕。樵夫忽見苦未識。只疑便
是黃初平。嗟我何為在塵網。遠望高峰若
天壤。茯苓夜煮儻許餐。鐵杖來敲石門響。

松花瑤草一
聯太白佳境

聽教坊舊妓郭芳卿弟子陳氏歌

時至正己
亥歲作

文皇元文在御昇平日。上苑宸遊駕頻出。
仗中樂部五千人。能唱新聲誰第一。燕國

佳人號順時。郭芳卿字姿容歌舞總能奇。中官

奉旨時宜喚。立馬門前催畫眉。建章宮裡

長生殿。為藥初開救張宴。龍笙罷奏鳳絃

停。共聽嬌喉似鶯轉。過雲妙響發朱唇。不

數開元許永新。綉陛花驚飄艷雪。文梁風

動委芳塵。翰林才子山東李。洞每進新詞

蒙上喜。當筵按罷謝天恩。捧賜纏頭蜀都

綺。晚出銀臺酒未消。侯家主第強相邀。寶

釵珠袖尊前賞。占斷春風夜復朝。回頭樂

事浮雲改瘞玉埋香。今幾載。世間遺譜竟

誰傳。弟子猶憐一人在。曾記霓裳學得成。

朝元閣裡藝初呈。九天聲落千人聽。丹鳳

樓前月正明。狹斜貴客叢車馬。不信芳名

在師下。風塵一旦禁城荒。誰是花前聽歌

者。從此飄零出教坊。遠辭京國客殊方。閉

門春盡無人問。縞袂青裙不理妝。相逢為

把雙蛾。蹙水調涼州歌。續續江南年少未。
 曾聞元是當時供奉曲。朝使今年海上歸。
 繁華休說亂來非。梨園散盡宮槐落。天子
 愁多內宴稀。始知歡樂生憂患。韓休老去
 無人諫。傷心不見昔人歌。汾水秋風有飛
 雁。此日西園把一卮。感時懷舊盡成悲。含
 情欲為秋娘賦。愧我才非杜牧之。與少陵
 大娘弟子舞劍器歌同一用意蓋惓惓故
 國之思意不在教坊弟子也而詩格則在

元和長慶之間

登金陵兩花臺望大江

大江來從萬山中。山勢盡與江流東。鍾山
 如龍獨西上。欲破巨浪乘長風。江山相雄
 不相讓。形勝爭誇天下壯。秦皇空此瘞黃
 金。佳氣蔥蔥至今王。我懷鬱塞何由開。酒
 酣走上城南臺。坐覺蒼茫萬古意。遠自荒
 烟落日之中來。石頭城下濤聲怒。武騎千

群誰敢渡。黃旗入洛。竟何祥。鉄鎖橫江。未
為固。前三國。後六朝。草生宮闕。何蕭蕭。英
雄來時。務割據。幾度戰。血流寒潮。我今幸
逢聖人起南國。禍亂初平。事休息。從今四
海永為家。不用長江限南北。

張中丞廟

延秋門上烏啼霜。羯兒曉登天子牀。江頭
老臣淚暗滴。萬乘西去關山長。公卿相率
作降虜。草間拜泣如群羊。當時不識顏平
原。豈復知有張睢陽。孤城落日百戰後。瘦
馬食尾人裹瘡。男兒竟為忠義死。碧血滿
地。嗟誰藏。賀蘭不斬上方劍。英雄有恨何
時忘。千年海上見祠廟。古苔叢木秋風荒。
摩挲畫壁塵網裡。勇氣擘擘虬髯張。巫歌
大招客。醉酒忠魂或能來故鄉。

唐昭宗賜錢武肅王鐵券歌

妖兒初下舍元殿。天子仍居少陽院。諸藩
從此擁連城。朝貢皆停事攻戰。岐王一去
梁王來。長安宮闕生蒿萊。天目山前異人
出。金戈雙舉風烟開。羅平惡鳥啼初起。犀
弩三千射潮水。歸來父老拜旌旗。醜酒槌
牛宴鄉里。擊裘駿馬騎春風。錦袍玉帶真
英雄。詔書特賜誓終始。黃金鏤字旌殊功。
虎符龍節彤弓矢。後嗣猶令赦三死。盡言

恩寵冠當時。天府丹書未逾此。摩挲舊物
四百年。古色滿面凝霜烟。天祐宰相署名
在。尋文再讀心茫然。古來保族須忠節。受
此幾人還覆滅。王家勲業至今傳。不在區
區一方鐵。人生富貴知幾時。泰山作礪徒
相期。行人曾過表忠觀。風雨斷蘚薶殘碑。

送謝恭

涼風起江海。萬樹盡秋聲。搖落豈堪別。躑

踏空復情帆過京口渡。砧響石頭城為客。歸宜早。高堂白髮生。

與劉將軍杜文學晚登西城

木落悲南國。城高見北辰。飄零猶有客。經濟豈無人。鳥過風生翼。龍歸雨在鱗。相期俱努力。天地正烽塵。悲壯

晚次西陵館

匹馬倦嘶風。蕭蕭逐轉蓬。地經兵亂後。歲盡客愁中。晚渡迴潮急。寒山舊驛空。可憐今夜月。相照宿江東。

送沈左司從汪叅政分省陝西汪

由御史中丞出

重臣今陝去。臺端賓從威儀盡。漢官四塞。河山歸板籍。百年父老見衣冠。函關月落。聽雞度華岳。雲開立馬看。知爾西行定。回首如今江左是長安。音節氣味格律詞華無不入妙青叩集中

為金和
玉節

送葉判官赴高唐時使安南還

銅柱崖前使節過。貢隨歸騎入京多。一官
 暫遣陪成瑨。片語曾煩下趙佗。曉拜賜衣
 辭絳闕。秋催征棹渡黃河。政餘好賦登臨
 詠。聞說州人最善歌。
南陽太守成瑨任功
曹岑暉時謠曰南陽
太守岑公孝宏農成瑨但坐嘯三語切判
官四語切使安南還也如此運古乃見典
切一高唐結

送李使君鎮海昌州有雙廟

海風千里捲雙旌。按轡初聞屬部清。人雜
 島夷爭午市。潮隨山雨入秋城。鳴狐不近
 睢陽廟。突騎猶屯廣利營。肯掃帳中容我
 醉。夜深燃燭卧談兵。

清明呈館中諸公

新烟著柳禁垣斜。杏酪分香俗共誇。白下
 有山皆繞郭。清明無客不思家。卞侯墓上

迷芳草。盧女門前映落花。喜得故人同待
詔。擬沽春酒醉京華。

弔岳王墓

大樹無枝向北風。十年遺恨泣英雄。班師
詔已來三殿。射虜書猶說兩宮。每憶上方
誰請劍。空嗟高廟自藏弓。栖霞嶺上。今回
首。不見諸陵白露中。
鳳洲作英氣勃發讀此和平溫厚之篇又爽然失矣。通體責高宗居然史筆諸本作十年遺恨應以十年為典

涼州曲

關外垂楊早換秋。行人落日旆悠悠。隴山
高處愁西望。只有黃河入漢流。
高渾

秋柳

欲挽長條已不堪。都門無復舊參參。此時
愁殺桓司馬。暮雨秋風滿漢南。

楊基

基字孟載其先蜀人居於吳用薦入官仕至山西按察使

被諛奪職供役卒於工所。孟載春草詩云六朝舊恨斜陽裡南浦新愁

細雨中誠為佳句然大概近纖他如
 春風顛似唐張旭天氣和如魯展禽
 白露下田于點雪黃鶯上樹一枝花
 殊乖大雅矣集中叔七言律二章風
 上格頗

感懷

鞞鷹斂六翮棲息如鷦鷯。秋風颯然至聳
 目思凌霄英雄在承平。白首為漁樵匪無
 搏擊能不與狐兔遭。長星亘東南壯士拭
 寶刀落落丈夫志悠悠兒女曹。

鄧禹南陽來仗策歸光武。孔明卧隆中不
 即事先主。英雄各有見何必問出處。孫曹
 與更始未可同日語。向非照烈賢三顧猶
 未許。君子當識時守身如處女。

聞鄰船吹笛

江空月寒露華白。何人船頭夜吹笛。參差
 楚調轉吳音。定是江南遠行客。江南萬里
 不歸家。笛裡分明說鬢華。已分折殘堤上

柳莫教吹落隴頭花

登岳陽樓望君山

洞庭無烟晚風定。春水平鋪如練淨。君山
一點望中青。湘女梳頭對明鏡。鏡裡芙蓉
夜不收。水光山色兩悠悠。直教流下春江
去。消得巴陵萬古愁。

長江萬里圖

我家岷山更西住。正見岷山發源處。三巴

春霽雪初消。百折千回向東去。江水東流

萬里長。人今漂泊尚他鄉。煙波草色時牽

恨。風雨猿聲欲斷腸。

七言短古原本李頎常建諸公

岳陽樓

春色醉巴陵。闌干落洞庭。水吞三楚白。山

接九疑青。空濶魚龍氣。嬋娟帝子靈。何人

夜吹笛。風急雨冥冥。

應推五言射離手起結尤入神境

送魏萬之安西

梁苑微霜木葉紅。行人此日發關東。酒邊
怨別看長劍。馬上驚心見斷蓬。雲散岳蓮
開泰華。月寒郊樹隱新豐。窮秋亦有臨邊
使。待爾題詩寄塞鴻。

感秋

嫋嫋西風吹逝波。冥冥灑氣逼新河。宣王
石鼓青苔澁。武帝金盤白露多。八陣雲開
屯虎豹。大江潮落見鼉鼉。沅湘一帶皆秋
草。欲采芙蓉奈晚何。

明詩別裁集卷一

明詩別裁集卷二目錄

張羽 五首

徐賁 三首

林弼 一首

王蒙 一首

張簡 一首

王彝 一首

劉炳 三首

郭翼一首

袁凱八首

周致堯一首

劉崧三首

周湏一首

王旬一首

周立一首

林鴻九首

貝瓊五首

凌雲翰一首

邱民一首

練高一首

管訥一首

張宣一首

魯淵一首

李延興四首

孫箕 四首

黃哲 二首

沈夢麟 一首

滕毅 一首

藍仁 三首

藍智 二首

甘瑾 二首

王偁 一首

浦源 一首

吳文泰 一首

烏斯道 一首

許繼 一首

胡奎 二首

顧文昱 一首

明詩別裁集卷二

沈德潛確士

長洲

周準欽菜

同輯

張羽羽字來儀潯陽人因兵阻居吳興明初徵起擢太常司丞

兼翰林院同掌文淵閣事以事竄領外未半道召還知不免投龍江死

金川門

兩山夾滄江。拍浮若無根。利石侔劍戟。風濤相吐吞。維天設巨險。為今國東門。試將

一卒守。堅若萬馬屯。吾來犯清曉。天空霜
 露繁。列宿森在列。北斗峭可授。江光合海
 氣。溟滓神攸存。俯視不敢唾。中有蛟龍蟠。
 浮屠者誰子。高居凌風幡。下見渡口人。擾
 擾逢蠹蝻。喧愧彼超世士。去去將何言。李辰山云

詩作於洪武甲寅未三十載而燕師從此入矣讀之可勝浩歎

秋日苕溪道中

深秋群物蕭。瀨氣明朝陽。方舟蕩清溪。良
 遊閱景光。踈林綴餘綠。菰浦搖晚芳。鳴鴻
 去杳杳。遙嶺翳蒼蒼。閑行無物役。洄沿自
 徜徉。寂寞欣有得。留連豈為荒。一理滄浪
 調。知音非所望。

清口

豁達兩河口。前與黃河通。高岸忽斗折。清
 淮滙其中。甘羅城在南。韓信城在東。一為
 秦人英。一為漢家雄。人生有不死。所貴在

立功。方其未遇時。鹿鹿常人同。時命苟未
會。丈夫有固窮。舍舟登高防。歲暮百草空。
陂陀隴畝間。一二羸老翁。遺跡不可問。但
見芳榛叢。行行重回首。目斷雙飛鴻。

贈僧還日本

杖錫總隨緣。鄉山在日邊。遍參東土法。頓
悟上乘禪。呪水龍歸鉢。翻經浪避船。本來
無去住。相別莫潛然。

題陶處士像

五兒長大翟卿賢。彭澤歸來只醉眠。籬下
黃花門外柳。風光不似羲熙前。

徐

賁

賁字幼文。其先蜀人。徙居吳
洪武初。以薦授官。歷仕至河

南布政使
尋下獄死

過荷葉浦

粼粼水溶溶。澹澹烟消午。不見唱歌人。空
來荷葉浦。無處寄相思。停舟來芳杜。

柳短短送陳舜道

柳短短。春江滿。蘭渚雪融香。東風釀春暖。
山長水更遙。浩蕩木蘭橈。蘭橈向何處。送
君南昌去。離愁落日烟中樹。

送西伯滋赴西河將幕

上將初分閫。儒官解習兵。風旗春獵野。雪
帳夜歸營。洮水從岷下。祈山入隴平。知公
能載筆。草檄報邊聲。

林弼字元凱龍谿人仕元為漳

除禮部主事

秦皇廟

蠶食雄風逐逝波。荒祠寂寂寄巖阿。三神
山下仙舟遠。萬里城邊戰骨多。東魯尚存
周禮樂。西秦空壯漢山河。早知二世無多
祚。崖石書功不用磨。結意與李義山地下
若逢陳後主豈宜重

問後庭花同
是一種風刺

王蒙蒙字叔明吳興人元末官理問洪武初為泰安知州坐胡

黨獄死

暮宿田家作

木落天正寒。山空日將暮。荒林倦鳥歸。亂水行人渡。窮年滯草莽。短褐被霜露。晚宿依田家。主人情亦故。汲水泉滿澗。燒竹烟在戶。鐘殘溪上村。月照階前樹。濁酒初潑醅。嘉蔬亦時具。且慰飢渴懷。况諳村野趣。老翁八十餘。有子沒征戍。秔稻歲莫收。官司日加賦。我願息兵戈。海宇重農務。愧乏經濟才。徒然守章句。

張簡簡字仲簡吳人初為道士元季簡亂以母老歸養洪武初

召修元史。饒介之分守吳中自號醉樵。延諸文士作歌。仲簡詩擅場。居首。坐高季迪次之。揚孟載又次之。

醉樵歌

東吳市中逢醉樵。鐵冠歌側髮飄蕭。兩肩

矻矻何所負。青松一枝懸酒瓢。自言華蓋
 峰頭住。足跡踏遍人間路。學劍學書總不
 成。惟有飲酒得真趣。管樂本是王霸才。松
 喬自有烟霞具。手持崑岡白玉斧。曾向月
 裡斫桂樹。月裡仙人不我嗔。特令下飲洞
 庭春。興來一吸海水盡。却把珊瑚樵作薪。
 醒時邂逅逢王質。石上看棋黃鵠立。斧柯
 爛盡不成仙。不如一醉三千日。於今老去

名空在。處處題詩償酒債。淋漓醉墨落人
 間。夜夜風雪起光怪。

王

彛

彛字常宗嘉定人以布衣召
修元史入翰林後坐太守魏

觀事坐
法死

秋林高士圖

嵐峰半殘陽。彩翠明林杪。僧塢遠鐘微歸。
 人下山。少風杉落葉響。驚起棲烟鳥。携手
 願言還。前村月初皎。

劉炳 炳字彥昂以字行鄱陽人明初獻書任中書典籤

春夕直左掖懷周待御

晚雨池上晴。透迤澹將夕。金莖華月生。綺

樹流雲濕。窓虛漏聲永。幔卷爐烟襲。憶我

同袍人。何繇共瑤席。楊庶夫云仿帶

寄許永明公冕昆季得夫先生

與君往歲從戎日。正值中原戰血腥。諸葛

有心扶漢室。包胥無淚哭秦庭。九鰲夜徙

龍沙黑。八駿秋迷鳥道青。一別關河俱白

首。斷腸烟樹滿長汀。

同周伯寧連榻劇談悲歌有感

醉來拔劍斫珊瑚。迴首侯門是畏途。夜半

聞雞眠不著。草堂秋雨讀陰符。

郭翼 翼字義仲自號東郭生崑山人明初徵授學官

城南草堂與顧仲瑛夜話

花發草堂風雨春。青燈剪韭話情親。亂離

隔世今何夕。生死論文竟幾人。城郭是非華表鶴。蓬萊清淺海中塵。三千賓客馮驩在。莫怪悲歌撫劍頻。

袁

凱

凱字景文。華亭人。洪武中徵拜御史。以病免歸。李獻吉

謂海叟師法子。美何仲默謂歌行得杜之醉鄙意。傷于平直。未極變化。若七言斷句。在李庶子劉賓客間。青邱孟載俱未及也。

楊白花

楊白花。飛入深宮裡。宛轉房櫳間。誰能復

禁爾。胡為高飛渡江水。江水在天涯。楊花去不歸。安得楊花作楊樹。種向深宮飛不去。

客中除夕

今夕為何夕。他鄉說故鄉。看人兒女大。為客歲年長。戎馬無休歇。關山正渺茫。一杯柏葉酒。未敵淚千行。

京師得家書

江水三千里。家書十五行。行行無別語。只道早還鄉。籟天

客中夜坐

落葉蕭蕭江水長。故園歸路更茫茫。一聲新雁三更雨。何處行人不斷腸。

淮東逢張十二信

少年追逐共西東。吳邁文章馬亮功。一自干戈零落後。白頭淮海獨相逢。不減白首何哉之作

揚州逢李十二行

與子相逢俱少年。東吳城郭酒如川。如今白髮知多少。風雨揚州共被眠。

題李陵泣別圖

上林木落雁南飛。萬里蕭條使節歸。猶有交情兩行淚。西風吹上漢臣衣。王元美云頗見風雅

詞婉意嚴李陵之罪自見漢臣二字春秋之筆

淮西夜坐

蕭蕭風雨滿關河。酒盡西樓聽夜過。莫怪行人頭盡白。異鄉秋色不勝多。吳明卿云悲婉欲涕

周致堯

致堯字煥文崇德人平江書院山長

西津夜泊

孤帆夜落石橋西。橋外青山入會稽。臥聽海潮吹地轉。起看江月向人低。一春衰謝憐皮骨。萬國艱虞厭鼓鼙。何處商船歌木調。令人歸思益淒迷。

劉

崧

崧字子高恭和人明初以人才舉歷仕至國子司業。○子

高詩辭米鮮娟骨格未高應是學溫飛卿一派

姑蘇曲

姑蘇城頭烏夜啼。姑蘇臺上風淒淒。芙蓉露冷秋香死。美人夜泣雙蛾低。銅龍咽寒更漏促。手撥繁絃轉紅玉。鴛鴦飛去檍廊空。猶唱吳宮舊時曲。

題余仲揚畫山水圖為余自安賦

金華山人余仲揚。筆墨蕭疎開老蒼。昨看
新圖湖上宅。烟霧白日生高堂。層峰上蟠
石。皜皜絕島下。瞰江茫茫長松並立各千
丈。間以灌木相低昂。松下上人坐碧草。秋
影忽落衣巾涼。囊琴未發絃未奏。已覺流
水聲洋洋。赤城霞氣通雁蕩。巫峽爾色來
瀟湘。誰能千里坐致此。欲往久嘆河無梁。
風塵漲天滿吳楚。六年悵望神慘傷。元猿
若啼巖北樹。白雁不到江南鄉。赭山焚林
絕人迹。如此山水非尋常。此圖本為自安
寫。亦感同姓悲殊方。幽軒素壁泉聲動。對
此令我心為狂。何由捫蘿逐麋鹿。振衣直
上雲中岡。登臨一寫漂泊恨。長嘯清風生
八荒。

玉華山

翠巘千峰合。丹崖一徑通。樓臺上雲氣。草

木動天風野曠行人外江平落雁中傷心
俯城郭烟雨正冥濛

周

滇

滇字伯寧江寧人明初任饒州長史歷任至刑部尚書

舟中望九華山

貞履無素期勞生意恒窘誰云戒戎路曾
是返初隱水宿淹長晷山行阻修眇縹緲
對雄標壘坑發竒蘊巖回氣如廣峰去勢
猶引剌剌冠青蓮雕鏤轟丹笱堪霞上斑

剌石乳下礪礪山鬼從文狸淵靈閔元虜
瞻言志藜藿未遂采芝菌即事情已悲懷
賢迹俱泯潛具愧梅福去汶羞閔損人德
險未夷天道明可準臯蘭豈徒歇巖桂芳
未隕歲暮山中人寤歌候歸軫善學謝公
巖回十字

王

句

句字子宣
里居未詳

宮詞

南風吹斷采菱歌。夜雨新添太液波。水殿雲房三十六。不知何處月明多。高廷禮云婉麗似王

龍標

周立 立字公禮長州人

行經華陰

西游莫嘆勞行役。風物繁華記往年。十里關河臨渭水。萬家烟樹入秦川。露盤臺迴金為掌。華嶽峰高石作蓮。聞道盛時多宴

樂。更傳車馬幸溫泉。

林鴻 鴻字子羽。福清人。明初以薦授將樂訓導。後拜禮部員外郎。

即繩趨尺步。衆論以子羽為首宗。法唐人。然終是正派。

感秋

撫劍終夜起。氣候何淒清。天高白露下。北斗當前楹。嗷嗷雙飛鴻。隨陽亦宵征。微禽爾何知。寒暑嬰其情。始知玩物化。中復念

吾生三十志有立一經尚無成。緬懷古哲人信與大運并。道在無終始時來暫衰榮。感嘆不能寐延首東方明。

飲酒

儒生好奇古。出口談唐虞。倘生羲皇前。所談竟何如。古人既已死。古道存遺書。一語不能踐。萬卷徒空虛。我願但飲酒。不復知其餘。君看醉鄉人。乃在天地初。

金雞巖僧室

遠公青蓮語。百天構雲闕。一徑入松蘿。山泉濯苔髮。石房彈玉琴。清響在林樾。夜來滄海寒。夢遶波上月。微吟白雲篇。高興了未輟。無能悟聲聞。安得離言說。夜來滄海寒十字得

常建神理

無諸釣龍臺懷古

無諸昔建國。赤土疏王封。築臺青冥上。垂

釣滄江龍乘龍去不返。千載如飛蓬。只今
荒臺上。寂歷多遺蹤。我有太古懷。來吟江
上峰。天青海氣滅。地古寒烟濃。潭水綠萬
文。秋岑碧千重。登臨未能已。落日催霜鐘。

同鄭二宜江上泛舟

載酒入江色。酒多江復長。酣來散子纓。濯
向春流香。東壁過疎雨。西崦殘夕陽。猿禽
相叫嘯。靈木共清蒼。夕景更汎覽。客程殊
未央。魚風葦上起。蚌月波中光。嘗以事洋
渙。永期名跡忘。乘槎予豈必。聊復詠滄浪。

巫峽啼猿歌送邱少府歸四明

巫山巫峽連三巴。猿啼三聲客思家。停舟
聽之聲未了。却過青枝猶裊裊。野人乍來
錦官城。清秋滿峽啼猿聲。黃牛灘上怨楓
落。白帝祠前哀月明。商聲清冽羽聲亂。倏
忽東崖復西澗。久客聞之淚欲乾。壯夫聽

此魂亦斷故人歸。卧越山雲憶得啼猿歌。
送君扁舟獨宿剡溪夜。叫月三聲誰共聞。

出塞曲

十五薊門行。能探點虜情。潛兵秋度磧。牧
馬夜歸營。苦霧沈旗影。飛霜濕鼓聲。昨來
承密詔。東築受降城。

送高郎中使北

漢使臨邊日。天驕已請和。看花亂紫陌。犯

雪渡交河。水草留行帳。雲沙想玉珂。從來

清漠北。婁敬策居多。風刺得唐人辭

寄逸人高漫士

獨倚城南百尺闌。粵鄉秋思浩漫漫。平臺
樹色催殘照。近郭砧聲報早寒。雲物正當
搖落後。關河終念別離難。龍門別墅今宵
月。誰與相同把酒看。

貝 瓊 瓊字廷琚 崇德人 洪武初 徵修元史 除國子助教

穆陵行

至元中西僧楊璉真伽利宋諸陵寶
玉。因倡妖言惑主。盡發攢宮之在會
稽者。斷理宗頂骨為飲器。璉敗歸內
府九十年矣。洪武二年正月。詔宣國
公求之。得於僧汝訥所。乃命塋金陵
聚寶山。石以表之。予感而賦詩。

六陵草沒迷東西。冬青花落陵上泥。黑龍
斷首作飲器。風雨空山魂夜啼。當時直恐
金棺腐。鑿石通泉下深錮。一聲白雁度江
來。寶氣竟逐妖僧去。金屋猶思宮女侍。玉
衣無復祠官護。可憐持比月氏王。寧飼烏
鷄及孤兔。真人歛見起江東。鐵馬九月踰
崆峒。百年枯骨却南返。雨花臺下開幽宮。
流螢夜飛石虎殿。江頭白塔今可見。人間
萬事安可知。杜宇聲中淚如霰。白鴈字音似白顏見

月詒別集
童謠

經故內

山中玉殿盡蒼苔。天子蒙塵豈復回。地脉
不從滄海斷。潮聲猶上浙東來。百年禁樹
知誰惜。三月宮花尚自開。此日登臨解題
賦。白頭庾信不勝哀。

送楊九思赴廣西都尉經歷

印笈康居路盡通。西南開鎮兩江雄。漢家

大將推揚僕。蠻府參軍見郝隆。象跡滿山
雲氣白。雞聲千戶日。車紅明珠惹。無人
辨行李。歸來莫厭窮。即此鄉多寶至慎勿
厭清貧工於脫化

送王克讓員外赴陝西

貂裘萬里獨衝寒。舊是含香漢署官。白雪
作花人面落。青山如鳳馬頭看。關中相國
資王猛。海內蒼生望謝安。應念東南有遺
佚。采芝深谷尚盤桓。

明詩別集

卷二

賦

父山隱居夏日

病客從教嬾出村。兩山一月雨昏昏。野花
作雪都辭樹。溪水如雲欲到門。無復元戎
喧鼓吹。試從田父牧雞豚。來青處士時相
過。猶是平原舊子孫。

凌雲翰

雲翰字彥仲錢塘人洪武
初以薦授四川成都教授

關山雪霽圖

前峰後峰雪糝糊。東村西村春有無。快雪

時晴入佳想。况復見此關山圖。關山迢遞
相聯屬。玉縈珠光眩人目。扶桑飛上金畢
逋。暗水流澌度空谷。野橋行過路三叉。青
旗插檐沽酒家。驅驢倦客得少憇。悵望遠
道還咨嗟。詩翁好事常起早。天寒只恐梅
花老。柴門時有故人来。階下白雲湏用掃。
此圖一日落塵寰。筆法依稀荆與關。人生
遠遊固云樂。何似在家長看山。我本識字

耕夫耳。占祥便作豐年喜。田園歸隱會有時。麥飯飽餐茅屋底。

邱民

民字克莊揚州人洪武初為松江學官仕至禮部侍郎

送友人至杭

又隨南雁度錢塘。不道他鄉是故鄉。江水秋風萼菜美。山中春雨石田荒。杜陵老去寧忘蜀。江總歸來不是梁。欲采芙蓉贈君去。錦衣零落倍淒涼。

練高

高字伯上新淦人洪武中知起居注以直言忤旨外謫廣

德州同知

送趙將軍

崆峒一劔倚秋陰。誰識將軍百戰心。老去功名餘白髮。閑來歌舞散黃金。呼鷹大澤風竿動。射虎南山雪羽深。敲缺唾壺銀燭短。時人不解隴頭吟。

管訥

訥字時敏華亭人洪武中徵拜楚府紀善陞左長史

和陸伴讀閩過梅根

江行愜素懷。遐覽匪遊冶。開蓬望九華。隱
隱白雲下。素波明遠川。青天入平野。烟樹
淡欲無。風泉斷還瀉。因知美陂舟。差勝習
池馬。斯遊樂未央。我輩胡為者。

張宣

宣字藻仲江陰人洪武初召
修元史擢翰林編修既而謫

卒 凜道

感隣婦

日月光八表。焉能照覆盆。可憐東家婦。哀
聲時一吞。將軍豈不仁。養士亦有恩。失計
緣數竒。車徒散雲屯。寧知邊頭骨。盡是忠
義魂。妾今止一身。又無子與孫。婦人不下
堂。寧上他人門。死者已如此。何以慰生存。

貞節語好在斬絕與波瀾
誓不起妾心井中水一例

魯淵

淵字道原淳安人元進士明
初徵修禮樂書授江西按察

司僉事
以病辭

重九

白雁南飛天欲霜。蕭蕭風雨又重陽。已知建德非吾土。還憶并州是故鄉。蓬鬢轉添今日白。菊花猶似去年黃。登高莫上龍山路。極目中原草木荒。

李延興

延興字繼本。東安人。元進士。洪武初。屬典邑校。

丙申歲詠懷

白首殊方客。奔馳戎馬間。時危憂母老。歲

晚寄書還。凍雪連荒野。寒雲出亂山。蒼茫西日外。痛哭倚柴關。

辛苦憐吾弟。荒山久避兵。素書連月斷。白髮滿頭生。雪翳窓燈影。風沉戍鼓聲。寸心憂百結。寂寞度殘更。

妻子何時見。淒涼病轉侵。虛傳千里信。已負百年心。茅屋飛霜滿。空階落葉深。白頭吟正苦。回首淚霑襟。
得杜詩氣辭俱渾厚。沈鬱處未到。

讀賈誼王粲傳

白髮悲王粲。青春羨賈生。萬言亂慷慨。一賦氣崢嶸。弔屈心猶壯。依劉恨未平。懷賢坐長夜。耿耿若為情。

孫

蕢

蕢字仲衍南海人洪武中授蘇州府經歷坐黨禍死

燉煌城下沙如雪。燉煌城頭無六月。關西勁卒築防秋。捷書夜半飛龍樓。九重下詔徵貔虎。推轂上將開都府。黃旗卷日大軍

行。旄頭化日夜。有聲燉煌迢迢五千里。十月即渡黃河水。上將翩翩才且雄。平戎不數貳師功。叱咤猶在輪臺北。匹馬已入渠黎國。左較偏裨晚射鵬。倚鞍醉索單于朝。西山黑風吹墮瓦。霜角吹秋塞垣下。太平今見遠宣威。君往從戎幾日歸。幕下文儒能耀武。詞林從此有光輝。
善學嘉州

次歸州

歸州城門半天裡。白雲晚向城下起。市廛
架屋依巖巖。巖巖婦女提罌汲江水。巴山雪消
江水長。城中夜聞灘瀨響。客船樹杪釣石
稜。漁父雲端曬罾網。家家蕪田山下利。牛倒
枯。大樹燒作泥。居人養大獲。山鹿穉子縛
柴園。野雞楚王臺。高對赤甲四時猛。氣長
颯。颯。柁工鳴板避漩渦。櫓聲搖上黃牛岫。

下瞿塘

我從前月來西州。錦官城下十日留。回船
正值重九節。巫山巫峽風颼颼。人言灩澦
大於馬。瞿塘此時不可下。公家王事有程
期。敢憚微軀作人鮪。人鮪甕頭翻白波。怒
流觸石為漩渦。長年敲板助船客。破浪一
擲如飛梭。灘聲櫓聲歷亂聒。緊搖手滑櫓
易脫。沿洄劃轉如旋風。半側船頭水花沒。
船頭半沒船尾高。水花作雨飛。鬚毛爭牽

百丈上崖谷。兩旁捷走如猿猴。停船把酒
 醉蒼昊。因笑吾生真草草。吟詩未解追謫
 仙。萬里經行蜀中道。巴東東下想安流。便
 指歸州向峽州。船到岳陽應漸穩。洞庭霜
 降水如流。

湖州樂

湖州溪水穿城郭。傍水人家起樓閣。春風
 垂柳綠軒窗。細雨飛花濕簾幕。四月五月
 南風來。當門處處芙蓉開。吳姬畫舫小於
 斛。蕩槳出城沿月回。菰蒲浪深迷白紵。有
 時隔花聞笑語。鯉魚風起燕飛斜。菱歌聲
 入鴛鴦渚。

黃哲

哲字庸之。番禺人。明初用薦
 拜翰林待制。出授東平府通

判坐
 法死

過梁昭明太子墓

帝子降南浦。飄飄蒼桂陰。神飈迴震闕。元

跡閱坤岑。鳳陵輝璞。蘊龍沼媚珠。沉文藻
 絢華黻。芳芬揚素襟。遺編軼正雅。曠代殊
 徽音。玉馬風雲變。金鳧歲月深。霜蘭秋被
 坂。烟蘿夕翳林。采蘋思永薦。捐珉遂幽尋。
 靈修忽爾逝。歲宴勞子心。遼東鶴馭遠。緱
 嶺鸞笙吟。耿耿因懷昔。營營徒慨今。瑤華
 竟衰歇。惆悵雍門琴。過昭明墓詩
應作選體

秋夜雜興呈涂典籤頴

璿杓運西宇。華月麗中楹。坐知流序易。遙
 夜秋風生。銀漢呈霄景。金堂舍夕清。柔條
 棲湛露。嘉蕙茁幽莖。撫跡遂成感。如何君
 遠征。相思雲陽浦。岌窳限玉京。寸心瀕何
 極。搖蕩如懸旌。

沈夢麟

夢麟字元昭歸安人元末為
武康尹入明以賢良徵起被

文開浙者三同
考會試者再

和邵山人

亂後還家如旅泊。愁中貰酒喜人過。每吟
栗里停雲句。不作南山種豆歌。故宅東風
歸燕靜。孤村夜雨落花多。白頭却憶觀光
日。曾賦神明與馭娑。晚唐風韻

滕

毅

毅字仲安。鎮江人。以儒士徵授起居注。擢吏部尚書。出叅

西江

感事

虎戰龍爭二十秋。江波日夜自東流。道旁

無語。王孫泣天際。含顰帝子愁。首蒼風烟
空壁壘。薰葭霜露滿汀洲。多情惟有西山
月。永夜依依照白頭。故國之思如聞黍離
麥秀比宋文案過故

藍

仁

仁字靜之。崇安人。明初內附。例徙臨濠。尋放還。

暮歸山中

暮歸山已昏。濯是月在澗。衡門棲鵲定。暗
樹流螢亂。妻孥候我至。明燈共蔬飯。佇立

松桂涼。踈星隔河漢。

宿橘山田家懷蔣先生

蒼峰落日微。白鶴秋風遠。客路入踈鐘。田家皆山坂。孤烟桑柘寒。歸鳥茅茨晚。欲覓紫芝翁。山深白雲滿。

西山暮歸

涼葉墜微風。秋山正蕭爽。天寒獨鳥歸。日夕百蟲響。鄉音偶從桂樹招。遂有桃源想。石磴

闕無人。山猿自来往。

藍

智

智字明之。崇安人。明初應薦授廣西按察僉事。

雨中同孟原僉憲登嘉魚亭

高閣流鶯外。荒城駐馬前。江寒三月雨。春老百蠻天。折柳悲橫笛。飛花落釣船。乾坤總羈旅。把酒意茫然。

過雲洞嶺

踳出千林迴。山連五嶺遙。石崖懸度棧。野

樹卧通橋。澗飲猶防蠱。畚耕盡屬犛。夕陽
驅瘦馬。髻影漫蕭蕭。

甘瑾 瑾字彥初臨川人
明初嚴州府同知

何梅閣山居

迹不到城市。逢人無厚顏。一瓢風外樹。雙
屐雨中山。流水春喧碓。歸雲暮掩關。無心
經世務。為益髻毛斑。

寄馬彥會

百戰孤城血未乾。故人書札報平安。秋風
代馬思燕草。夜月湘歌怨澧蘭。萬里江湖
仍旅食。百年天地自儒冠。山陰更有誅茹
地。仗劍休辭行踞難。

王偁 偁字孟揚閩中人洪武庚午
舉人永樂初薦授國史院檢

討叅英國公張輔軍事
後坐解縉黨下獄死

宿巴陵聞笛

玉笛凌秋韻。遠汀空江皓月思。冥冥怪來

揚柳移關塞。可是梅花落洞庭。半夜旅魂隨調切。誰家少婦倚樓聽。曉來更覓龍吟處。一點君山水面青。

浦源源字長源無錫人洪武中晉王府引禮舍人舍人名句

如細雨踈燈聞落葉斷雲高處見明河衣上暮寒吳苑雨馬頭秋色晉陵山雨中黃葉孤村路湖上青山遠寺鐘杏花寒食春江店榕葉熏風瘴海船均是詩中有画

送人之荆門

長江風颺布帆輕。西入荆門感客情。三國已亡遺舊壘。幾家猶在住荒城。雲邊路遠巴山色。樹裡河流漢水聲。此去郢中應有賦。千秋白雪待君賡。

吳文泰文泰字文度吳縣人洪武中涿州同知

送人之巴蜀

烟波迢遞古荆州。君去應為萬里遊。倚櫂遙看湘浦月。聽猿初泊渚宮秋。雲開巫峽

明詩別裁集

卷二

三

千峰出路轉巴江一字流若見東風楊柳
色便乘春水泛歸舟中疊用四地名亦是

烏斯道

斯道字繼善慈谿人明初以薦起知石龍縣

澤畔

上征天無風遠遊索無金種蘭蘭不芳行

吟向江濤漁父曠達者庶幾知我心鶴鳴

子不和徒然有哀音跼蹐當奈何湘水清

且深陳卧子云古拙

許繼

繼字士修寧海人洪武中台州訓導

夜坐

雨歇宵影澄天清月華素空山秋欲來涼

意先在戶蕭蕭林樾風泣泣幽篁露草蟲

亦何知含淒感遲暮深思無與言美人隔

雲路空山十字前人寫秋俱未到此

胡奎

奎字虛白海寧人寧府教授

秋夕

月出萬井秋。商聲在高樹。風條絡緯鳴。露
葉流螢度。天河一杯水。流向西南去。坐念
素心人。佳期渺何處。

夢遊廬山

我有紫霞想。夢遊匡廬峰。仙人凌絕頂。手
弄金芙蓉。芙蓉亭亭九天上。疊嶂崩騰涌
波浪。五色雲中白鹿鳴。三更海底金雞唱。
懸崖瀑布從天來。正練倒界青天開。高人

自是陸修靜。邀我石磴行。莓苔九江秀色
可攬結。欲跨長鯨捉明月。望斷蓬萊青鳥
書。琪花落盡無人折。飛身上挹香爐烟。坐
卧九疊屏風前。翻然拜手招五老。一笑彷彿
三千年。松風泠泠吹夢覺。鶴背高寒露
華落。早知此境隔塵凡。只合栖神向邱壑。
何人寫此江上山。雲山與我心俱閑。明當
會碾颺輪去。長謝時人竟不還。

顧文昱

明文昱字光遠嘉定人初官吳王副相

白雁

萬里西風吹羽儀。獨傳霜翰向南飛。蘆花
 映月迷清影。江水含秋點素輝。錦瑟夜調
 冰作桂。玉關晨度雪霑衣。天涯兄弟離群
 久。皓首江湖猶未歸。
詩風格高於海叟白燕
 王安中詠白雁夜月蘆花看不定夕陽楓
 葉見初飛極不即不離之妙惜通體不稱

明詩別裁集卷二

七六分頁

